

2026-2027 ԸՆԴՈՒՆԵԼՈՒԹՅԱՆ ՄՐՑՈՒՅԹ
CONCOURS D'ENTREE 2026-2027

Հասարակագիտություն / Sciences sociales
(Իրավագիտության ֆակուլտետ / Faculté de Droit)
22.06.2026

Temps imparti / Ժամանակը: 2.5 heures / 2.5 ժամ

Առաջադրանքի կառուցվածքն ու սկզբունքները

Քննական հարցաթերթը բաղկացած է երեք հատվածներից:

1-ին հատվածում (1-60-րդ հարցեր) պատասխանի տարբերակներով հարցեր են: Պահանջվում է առաջարկված տարբերակներից ընտրել ճիշտ պատասխանը: Յուրաքանչյուր ճիշտ ընտրությունը գնահատվում է **մեկ միավոր**:

2-րդ հատվածում (61-70-րդ հարցեր) պատասխանի տարբերակներով հարցեր են: Պահանջվում է առաջարկված տարբերակներից ընտրել ճիշտ պատասխանը: Յուրաքանչյուր ճիշտ ընտրությունը գնահատվում է **երկու միավոր**:

3-րդ հատվածում (71-75-րդ հարցեր) բաղադրյալ հարցեր են՝ բաղկացած չորս ենթահարցերից: Պահանջվում է աղյուսակի աջ և ձախ սյունակներում տրված հասկացությունների, երևույթների միջև նշել ճիշտ կապերն ու համապատասխանությունները: Յուրաքանչյուր ճիշտ ընտրությունը գնահատվում է մեկ միավոր, առաջադրանքի ամբողջական ճիշտ պատասխանը՝ **չորս միավոր**:

Հարցերի ճիշտ պատասխաններն ընտրելուց հետո անհրաժեշտ է դրանք հստակ և խնամքով անցկացնել պատասխանների համար նախատեսված ձևաթղթի վրա: Ստուգվում և գնահատվում է միայն պատասխանների ձևաթուղթը:

Քննության ողջ ընթացքում կարգապահ եղեք, մի՛ խոսեք և մի՛ խանգարեք ուրիշներին: Հակառակ դեպքում կարող եք զրկվել քննությանը մասնակցելու իրավունքից:

<p align="center">Ընտրել ճիշտ տարբերակը կամ պատասխանը: Յուրաքանչյուր ճիշտ ընտրությունը գնահատվում է 1 միավոր: Միայն պատասխանի, պատասխանի բացակայության, ինչպես նաև մեկից ավելի պատասխաններ նշելու դեպքում՝ 0 միավոր:</p>		
1.	Պետական գրանցման ենթակա են.	ա) կենցաղային գործարքները բ) շուկայական գործարքները գ) անշարժ գույքի հետ կատարվող գործարքներից բխող իրավունքները դ) ոչ գույքային իրավունքից բխող գործարքները
2.	Դատավորներն ենթարկվում են.	ա/ ազգային ժողովին բ/ կառավարությանը գ/ գլխավոր դատավորին դ/ օրենքին
3.	Գործարքի հիմքը.	ա/ կամքն է բ/ պարտադրանքն է գ/ հարկադրանքն է դ/ պահանջն է
4.	Իրավունքի համակարգին բնորոշ է.	ա/ միասնականությունը բ/ համաձայնեցվածությունը գ/ ինքնավստահությունը դ/ ճիշտ են ա և բ պատասխանները
5.	Նորմատիվ իրավական ակտերը կազմում են.	գ/ միասնական հավասարաչափ համակարգ բ/ միասնական ստորակարգված համակարգ ա/ միասնական կենտրոնացված համակարգ դ/ միասնական քարացած համակարգ
6.	Իրավունքի ամենահին ձևը.	ա/ դրական իրավունքն է բ/ սովորության իրավունքն է գ/ օբյեկտիվ իրավունքն է դ/ պետական իրավունքն է
7.	Նախավճարի մասին համաձայնությունը կնքվում է.	ա/ գրավոր և բանավոր բ/ գրավոր գ/ բանավոր դ/ ճիշտ պատասխանը բացակայում է
8.	Միջանկյալ դատական ակտը կարող է բողոքարկվել այն ստանալու պահից.	ա/ տասն օրյա ժամկետում բ/ տասնհինգ օրյա ժամկետում գ/ քսան օրյա ժամկետում դ/ մեկ ամսյա ժամկետում

9.	Մարդու իրավունքների և հիմնական ազատությունների պաշտպանության մասին եվրոպական համաձայնագիրը ընդունվել է.	ա/ 1950 թվականին բ/ 1959 թվականին գ/ 1996 թվականին դ/ 1987 թվականին
10.	Մարդու իրավունքների եվրոպական դատարանն առաջին հերթին լուծում է.	ա/ դիմումների ընդունման հարցը բ/ նիստերի անցկացման հարցը գ/ դատավորների հարցը դ/ պաշտոնական ձևաթղթի հարց
11.	Ո՞վ է առաջին անգամ ձևակերպել պետական իշխանությունը օրենսդիր, գործադիր և դատական թևերի միջև բաշխելու սկզբունքը:	ա/ Կ.Մարքսը բ/ Ժ.Մոնտեսքյոն գ/ Ֆ.Ռաստելը դ/ Կ. Հարտլանդը
12.	Հայաստանում բռլշնիկները իշխանության եկան.	ա/ 1918թ. բ/ 1919թ. գ/ 1920թ. դ/ ճիշտ պատասխանը բացակայում է
13.	Ե՞րբ է Եվրոպայի խորհուրդն ընդդունել «Մահապատժի վերացման մասին» փաստաթուղթը:	ա/ 1963թ. բ/ 1973թ. գ/ 1983թ. դ/ 1993թ.
14.	Հայաստանի անկախության մասին հռչակագիրն ընդունվել է.	ա/ 1991թվականի օգոստոսի 23-ին բ/ 1990թվականի օգոստոսի 23-ին գ/ 1995թվականի օգոստոսի 23-ին դ/ ճիշտ պատասխանը բացակայում է
15.	Ե՞րբ սկսվել առաջին աշխարհամարտը.	ա/ 1914թ. բ/ 1918թ. գ/ 1939թ. դ/ 1945թ
16.	Հայաստանում նորմատիվ ակտերի պետական գրանցումը իրականացնում է.	ա/ ՀՀ պաշտպանության նախարարությունը բ/ ՀՀ արդարադատության նախարարությունը գ/ ՀՀ Ազգային ժողովը դ/ Նոտարիատը
17.	Ազգայնամոլություն կամ.	ա/ շովինիզմ բ/ կոնսերվատիզմ գ/ մարքսիզմ դ/ նացիոնալիզմ

18.	Աշխարհիկացում կամ.	ա/ ֆրակցիա բ/ սեկուլյարիզացիա գ/ ռեստիտուցիա դ/ սպեկուլյացիա
19.	Ո՞ր մարմինն է կատարում ամուսնության գրանցումը ՀՀ-ում.	ա/ նոտարիատը բ/ դատարանը գ/ քաղաքացիական կացության ակտերի գրանցում իրականացնող մարմինը. դ/ իրավաբանական անձանց պետական գրանցումն իրականացնող մարմինը.
20.	Ո՞րը օրենսդրական գործընթացի փուլ չէ.	ա/ օրենսդրական նախաձեռնության փուլ բ/ օրինագծի քննարկման և ընդունման փուլ գ/ ընդունված օրենքի մեկնաբանման փուլ դ/ ընդունված օրենքի ՀՀ նախագահի կողմից ստորագրման և հրապարակման փուլ
21.	Ու՞մ են պատկանում հետևյալ խոսքերը մարդու ազատության վերաբերյալ. «Մարդու ազատությունը ծնվում է միայն այն ժամանակ, երբ մարդն ունակ է դառնում հաղթահարելու իր բնական, կենդանական գոյությունը և ինքն իր համար ձևավորելու նոր անձ»:	ա/ Ի. Կանտ բ/ Գ. Հեգել գ/ Շ. Մոնտեսքիո դ/ Թ. Ջեֆերսոն
22.	Դատավորների թեկնածուներին ներկայացվող պահանջները ապահովում են դատավորների՝	ա/ անձեռնմխելիությունը բ/ անկողմնակալությունը գ/ անկախությունը դ/ ճիշտ են բ և գ պատասխանները
23.	Փաստաբանական պալատը՝	ա/ անկախ կազմակերպություն է բ/ ինքնակառավարվող կազմակերպություն է գ/ ստորադասության մեթոդով կառուցված կազմակերպություն է դ/ ճիշտ են ա և բ պատասխանները
24.	Անձին, ով կասկածվում է հանցանք կատարելու մեջ, մեղադրանք առաջադրելու իրավունք ունի՝	ա/ դատավորը բ/ դատախազը գ/ քննիչը դ/ հետաքննիչը
25.	Ո՞ր սկզբունքի համաձայն է ամբաստանյալի մեղավորության ապացուցման պարտականությունը դրված մեղադրող կողմի վրա.	ա/ մեղավորության կանխավարկածի համաձայն բ/ արդարացիության կանխավարկածի համաձայն գ/ անմեղության կանխավարկածի համաձայն դ/ իրավականության կանխավարկածի համաձայն

26.	Ինչպիսի՞ հայց կարող է հարուցել դատասխագությունը.	ա/ պետական շահերի պաշտպանության բ/ քաղաքացիական շահերի պաշտպանության գ/ դատավարության մասնակիցների շահերի պաշտպանության դ/ ճիշտ են ա և բ պատասխանները
27.	Ոստիկանությունը անձի իրավունքները սահմանափակում է՝	ա/ օրինական հիմքերով բ/ կամայական հիմքերով գ/ չունի այդպիսի իրավասություն դ/ ճիշտ են ա և բ պատասխանները
28.	Նշվածներից ո՞րը գրավոր գործարքի ձև չէ.	ա/ հասարակ գրավոր գործարք բ/ պետական գրանցման ենթակա գործարք գ/ նոտարի կողմից վավերացրած գործարք դ/ փոխանակման գործարք
29.	Իրավական կարգավորման ո՞ր ձևն է առկա օրինակում. Պետական մարմինները գրանցում են անշարժ գույքի նկատմամբ մարդկանց սեփականության իրավունքը/տալիս են սեփականության իրավունքի վկայական:	ա/ իրավաստեղծ բ/ իրավակիրառ գ/ իրավապահպան դ/ իրավապաշտպան
30.	Պետական հարկադրանքն ունի.	ա/ կամայական բնույթ բ/ հայեցողական բնույթ գ/ իրավական, որոշակի բնույթ դ/ համընդհանուր բնույթ
31.	Ըստ անհատների ակտիվության աստիճանի՝ քաղաքական գիտակցության և վարքագծի տեսակ է.	ա/ սոցիալապես ակտիվ քաղաքական գիտակցությունը և վարքագիծը բ/ հարմարվողական քաղաքական գիտակցությունը և վարքագիծը գ/ օտարված քաղաքական գիտակցությունը և վարքագիծը դ/ բոլոր պատասխանները ճիշտ են
32.	Ո՞րը միապետության տեսակ չէ.	ա/ դուալիստական բ/ դասային ներկայացուցչական գ/ խորհրդարանական դ/ արիստոկրատական

33.	Վերաքննիչ բողոքը կարող է բերվել՝	<p>ա/ օրինական ուժի մեջ չմտած դատական ակտի դեմ</p> <p>բ/ դատավորի կողմից հրապարակման պահից օրինական ուժի մեջ մտած ակտերի դեմ</p> <p>գ/ միջանկյալ դատական ակտերի դեմ (բացառիկ դեպքերում)</p> <p>դ/ ճիշտ են բոլոր պատասխանները</p>
34.	Հետևյալ դատողություններից ո՞րն է սխալ:	<p>ա/ փաստաբանն իրականացնում է իրավական խորհրդատվություն</p> <p>բ/ փաստաբանը կազմում է իրավական փաստաթղթեր</p> <p>գ/ փաստաբանն իրականացնում է ներկայացուցչություն դատարանում</p> <p>դ/ փաստաբանը չի մասնակցում նախաքննությանը</p>
35.	Ընդհանուր իրավասության դատարանի դատական ակտերը կարող են բողոքարկվել.	<p>ա/ վերաքննության կարգով՝ վերաքննիչ դատարաններում</p> <p>բ/ վճռաբեկության կարգով՝ վճռաբեկ դատարաններում</p> <p>գ/ սահմանադրական դատարանում</p> <p>դ/ արտակարգ դատարանում</p>
36.	Խորհրդարանի պատգամավորների ընտրությունների արդյունքներով ընդունված որոշումների հետ կապված վեճերի հարցով Մահմանադրական դատարան կարող է դիմել	<p>ա/ պատգամավորության թեկնածուները</p> <p>բ/ ազգային ժողովի պատգամավորների առնվազն մեկ երրորդը</p> <p>գ/ գլխավոր դատախազը</p> <p>դ/ դատարանները</p>
37.	Ընտրողների ցուցակների ճշգրտման վերաբերյալ գործերով ընդհանուր իրավասության դատարանի՝ գործն ըստ էության լուծող դատական ակտն օրինական ուժի մեջ է մտնում.	<p>ա/ 15-օրյա ժամկետում</p> <p>բ/ հրապարակման պահից</p> <p>գ/ հրապարակման պահից մեկ ամիս հետո</p> <p>դ/ մինչև այդ ակտի օրինական ուժի մեջ մտնելու համար սահմանված ժամկետը</p>
38.	Պայմանագիրը, որով քաղաքացին պարտավորվել է չգբաղվել ձեռնարկատիրությամբ, իրավաբանորեն.	<p>ա/ վավեր է</p> <p>բ/ անվավեր է</p> <p>գ/ առոչինչ է</p> <p>դ/ ճիշտ պատասխանը բացակայում է</p>

39.	Ինչո՞վ էր պայմանավորում Ի. Կանտը խաղաղության դարաշրջանի հաստատումը	ա/ կառավարման հանրապետական ձևի տարածումով բ/ կառավարման խորհրդարանական ձևի տարածումով գ/ կառավարման միապետական ձևի տարածումով դ/ կառավարման ժողովրդավարական ձևի տարածումով
40.	Ու՞մ է պատկանում այն միտքը, որ պետությունները պետք է ընդունեն «անխախտելի միջազգային սկզբունքներ», որոնք կերաշխավորեն ռազմական հոսպիտալների և բուժանձնակազմի իրավական պաշտպանությունը.	ա/ Ժան Ժակ Ռուսո բ/ Անրի Դյունան գ/ Կարլ ֆոն Կլաուզից դ/ Թոմաս Հոբսը
41.	ԼՂՀ-ում ե՞րբ է ԽՍՀՄ-ի կազմից դուրս գալու և պետական անկախություն հռչակելու հարցով անցկացվել հանրաքվե.	ա/ 1991 թ. սեպտեմբերի 21 բ/ 1991 թ. դեկտեմբերի 10 գ/ 1988 թ. փետրվարի 20 դ/ 1989 թ. դեկտեմբերի 1
42.	Տուգանքը /իրավախախտման համար/	ա/ ֆիզիկական պատասխանատվության անբարենպաստ հետևանք է բ/ կազմակերպական պատասխանատվության անբարենպաստ հետևանք է գ/ հոգեբանական պատասխանատվության անբարենպաստ հետևանք է դ/ գույքային պատասխանատվության անբարենպաստ հետևանք է
43.	Աշխատանքից ազատումը	ա/ անձնական (ֆիզիկական) պատասխանատվության անբարենպաստ հետևանք է բ/ քաղաքական պատասխանատվության անբարենպաստ հետևանք է գ/ գույքային պատասխանատվության անբարենպաստ հետևանք է դ/ կազմակերպական պատասխանատվության անբարենպաստ հետևանք է
44.	Ազատագրկումը /իրավախախտման համար/.	ա/ կազմակերպական պատասխանատվության անբարենպաստ հետևանք է բ/ քաղաքական պատասխանատվության անբարենպաստ հետևանք է գ/ անձնական (ֆիզիկական) պատասխանատվության անբարենպաստ հետևանք է դ/ գույքային պատասխանատվության անբարենպաստ հետևանք է

45.	Միջին ծանրության վնաս պատճառելու պատասխանատվության սկսվում է.	ա/ 14 տարեկանից բ/ 16 տարեկանից գ/ 18 տարեկանից դ/ 20 տարեկանից
46.	Սահմանադրությունը հիմնական օրենք ունի.	ա/ զրկող և պատժող բնույթ բ/ վերականգնող և հատուցող բնույթ գ/ հիմնադիր և հիմնարար բնույթ դ/ կանխող և դաստիարակող բնույթ
47.	Անձի կողմից վտանգավոր նախատեսումը և կատարումը.	ա/ դիտավորություն է բ/ անզգուշություն է գ/ ինքնավստահություն է դ/ անտարբերություն է
48.	Վերաքննիչ բողոք բերելու իրավունք ունեն.	ա/ գործին մասնակցող անձինք բ/ դատախազը՝ օրենքով նախատեսված դեպքերում գ/ գործի քննությանը չմասնակցած այն անձինք, որոնց իրավունքների և պարտականությունների վերաբերյալ կայացվել է գործը ըստ էության լուծող ակտ դ/ ճիշտ են բոլոր պատասխանները
49.	Մեղադրանք գործառույթ իրականացնող չէ.	ա/ տուժողը բ/ փորձագետը գ/ դատարանը դ/ ճիշտ են բ և գ պատասխանները
50.	Կտակը	ա/ գույքի տնօրինման վերաբերյալ երկու անձանց կամքի արտահայտություն է բ/ գույքի տնօրինման վերաբերյալ՝ իրավաբանական անձ հանդիսացող ձեռնարկության կամքի արտահայտությունն է գ/ մեկ գործունակ անձի՝ իրեն պատկանող գույքի տնօրինման վերաբերյալ կամքի արտահայտություն է դ/ ներկայացուցիչի միջոցով կատարվող գործարքի տեսակ է
51.	Փակ կտակը կազմում է	ա/ նոտարիատը բ/ վկան գ/ կտակարարը դ/ վերը նշվածներից ոչ մեկը
52.	Աշխատավարձի չափի նվազեցման մասին, գործատուն աշխատողին տեղյակ պետք է պահի.	ա/ ոչ ուշ, քան երկու շաբաթ առաջ բ/ ոչ ուշ, քան մեկ ամիս առաջ գ/ ոչ ուշ, քան երկու ամիս առաջ դ/ ճիշտ պատասխանը բացակայում է

53.	Ո՞ր փաստաթղթի համաձայն՝ քրեական հանցագործություն կատարած յուրաքանչյուր ոք ունի իրավունք հարցաքննելու իր դեմ ցուցմունքներ տվող վկաներին կամ իրավունք ունենալու, որ այդ վկաները հարցաքննության ենթարկվեն.	ա/ «Տնտեսական, սոցիալական ու մշակութային իրավունքների մասին» միջազգային դաշնագիրը բ/ «Խոշտանքումների և անմարդկային կամ արժանապատվությունը նվաստացնող վերաբերմունքի կամ պատժի կանխարգելման մասին» եվրոպական կոնվենցիայի համաձայն գ/ Մարդու իրավունքների և հիմնարար ազատությունների պաշտպանության մասին եվրոպական համաձայնագրի համաձայն դ/ «Ազգային փոքրամասնությունների պաշտպանության շրջանակային» կոնվենցիայի համաձայն
54.	Որդեգրում կարող են իրականացնել.	ա/ միայն երեխայի արյունակից ազգականները բ/ միայն երեխայի հետ արյունակցական առնչություն չունեցող անձիք գ/ միայն կողմնակի անձիք դ/ երեխայի արյունակցական հարազատները, ինչպես նաև կողմնակի անձիք
55.	Ծնողները կամ նրանցից մեկը կարող են զրկվել ծնողական իրավունքներից, եթե.	ա/ հարգելի պատճառով երեխային չեն կարող վերցնել ծննդատնից բ/ մեկ տարի անընդմեջ բացակայում են երկրից գ/ տառապում են քրոնիկ թմրամոլությամբ դ/ տառապում են քրոնիկ հիվանդությամբ
56.	Մարդու առաջին սերնդի իրավունքներն են.	ա/ հասարակական, տնտեսական և մշակութայինը բ/ քաղաքացիականը և քաղաքականը գ/ համերաշխությանը դ/ ճիշտ պատասխանը բացակայում է
57.	Հայոց պետականությունների պատմության մեջ, ե՞րբ է ընդունվել առաջին սահմանադրությունը:	ա/ 1265թ. բ/ 1184 թ. գ/ 1995 թ. դ/ 1922 թ.
58.	ՀՀ-ում արտաքին քաղաքականության կառավարման համակարգի մարմինների ընդհանուր դեկավարումը իրականացնում է.	ա/ Ազգային ժողովը բ/ ՀՀ նախագահը գ/ Կառավարությունը դ/ Արտաքին գործերի նախարարությունը

59.	Ինչպե՞ս է կոչվում ՀՀ նախագահի ընդունած ենթաօրենսդրական ակտը:	ա/ հրահանգ բ/ հրամանագիր գ/ որոշում դ/ ճիշտ պատասխանը բացակայում է
60.	Բացառիկ՝ հանրային գերակա շահի վերաբերյալ որոշում կայացնում է.	ա/ վարչապետը բ/ կառավարությունը գ/ Սահմանադրական դատարանը դ/ ընդհանուր իրավասության դատարանը

**Ընտրել ճիշտ տարբերակը կամ պատասխանը:
Յուրաքանչյուր ճիշտ ընտրությունը՝ 2 միավոր:
Միայն պատասխանի կամ պատասխանի բացակայության դեպքում՝ 0 միավոր:**

61.	Քրեական գործը քննող մարմինը հրավիրում է քաղաքացի Ա-ին հարցաքննության՝ իր կողմից որդեգրված Քաղաքացի Բ-ի կատարած իրավախախտման մասին վկայություն տալու՝ նշելով, որ քաղաքացի Ա-ն պարտադիր պետք է ներկայանա և գործով ցուցմունք տա: Ինչպե՞ս կարող է վարվել Քաղաքացի Ա-ն.	ա/ իրավունք ունի հրաժարվել ցուցմունք տալուց բ/ պարտավոր է վկայել (ցուցմունք տալ) քաղաքացի Բ-ի դեմ գ/ մերձավոր ազգականի դեմ ցուցմունք տալ չի թույլատրվում դ/ ճիշտ են «ա» և «գ» պատասխանները
62.	Երկու քաղաքացիներ կնքել են պայմանագիր: Պայմանագրով կողմերից մեկը՝ պարտատերը, մյուս կողմին՝ պարտապանին վեց ամիս ժամկետով պարտք է տվել՝ 500.000 դրամ: Վեց ամիսը լրանալուց հետո փոխ պարտք վերցրած պարտապանը հայտնում է, որ չի կարողանում վճարել պարտքը: Երկար քննարկումից հետո կողմերը համաձայնվում են հին պարտավորությունները փոխարինել նորով, համաձայն որի պարտապանը պարտավորվում է վերանորոգել պարտատիրոջ ավտոմեքենան: Պարտավորության դադարման ո՞ր դեպքն է առկա.	ա/ նորացում բ/ պարտապանի գույքի պահում գ/ պարտքի ներում դ/ հրաժարագին

63.	<p>Երևան-Սևան մայրուղով մեքենայով ընթանալիս Արմենը նկատեց գունեղ ցուցապաստառ՝ հետևյալ բովանդակությամբ. «Ընտրությանը մասնակցելով՝ դուք կերտում եք ձեր ապագան»:</p> <p>Պետական իշխանության իրականացման n^o ր եղանակն է այստեղ առկա.</p>	<p>ա/ հարկադրանք բ/ համոզում գ/ իրազեկում դ/ նշվածներից ոչ մեկը</p>
64.	<p>Քաղաքացուհի Ա.Սիմոնյանը դիմել է Քաղաքացիական կացության ակտերի գրանցման մարմին (ՔԿԱԳՄ)՝ ներկայացնելով ամուսնալուծության դիմում՝ հիմնավորելով, որ իր ամուսինը՝ Գ. Գևորգյանը, դատապարտվել է ազատազրկման 4 տարի 6 ամիս ժամկետով:</p> <p>Ի՞նչ կարող է անել ՔԿԱԳՄ-ն.</p>	<p>ա/ պահանջել նրա ամուսնու՝ Գ. Գևորգյանի համաձայնությունը բ/ մերժել դիմումը և ուղղորդել պարտադիր դիմելու դատարան գ/ պահանջել Գ. Գևորգյանի՝ դատարանի կողմից անգործունակ ճանաչված լինելու որոշում դ/ ճիշտ պատասխանը բացակայում է</p>
65.	<p>Ներկայացված տարբերակներից n^o րն է ճիշտ:</p>	<p>ա/ Միջազգային իրավունքի հիմնական աղբյուրներն են նորմատիվ ակտերը: բ/ Միջազգային իրավունքի հիմնական սուբյեկտն է մարդը: գ/ Եթե միջազգային պայմանագրում սահմանվում են այլ նորմեր, քան նախատեսված են ներպետական օրենքներով, ապա կիրառվում են միջազգային պայմանագրի նորմերը: դ/ Եթե միջազգային պայմանագրում սահմանվում են այլ նորմեր, քան նախատեսված են ներպետական օրենքներով, ապա կիրառվում են ներպետական օրենքներով նախատեսված նորմերը:</p>

66.	Միջազգային մարդասիրական իրավունքի «Ժնևի իրավունք» ճյուղի նպատակն է.	<p>ա/ պաշտպանել զինված ուժերի կողմից այն անձանց, ովքեր դադարել են մասնակցել ռազմական գործողություններին և այն անձանց, որոնք անմիջականորեն չեն մասնակցում ռազմական գործողություններին:</p> <p>բ/ սահմանել զինված ընդհարման մեջ գտնվող կողմերի իրավունքը և պարտականությունները ռազմական գործողությունների ընթացքում:</p> <p>գ/ պահպանել խաղաղությունը և դատապարտել պատերազմը՝ որպես միջազգային հարցերի լուծման միջոց:</p> <p>դ/ պետության բոլոր քաղաքացիների համար գործունեության բնականոն պայմաններ ապահովելը, նրանց կյանքի ազատության և սեփականության պաշտպանությունը:</p>
67.	Քաղաքական դիրքորոշման տեղեկության բաղադրատարր ենթադրում է.	<p>ա/ համակրանք և հակակրանք ինչ-ինչ օբյեկտների նկատմամբ</p> <p>բ/ գործելու պատրաստակամություն</p> <p>գ/ մարդու աշխարհայացքը և այն քաղաքական իդեալը, որին նա ձգտում է</p> <p>դ/ իրավախախտ պետության կողմից ինչ-որ նյութական օբյեկտների նախկին վիճակի վերականգնում</p>
68.	«Պետական կառավարման մասին տրակտատում» Չոն Լոքի ներկայացրած՝ անձի երեք հիմնական բնածին իրավունքներն են.	<p>ա/ Կյանքի, խաղաղության և մարդասիրության իրավունքները</p> <p>բ/ Կյանքի, ազատության և համերաշխության իրավունքները</p> <p>գ/ Կյանքի, ազատության և արդարության իրավունքները</p> <p>դ/ Կյանքի, ազատության և սեփականության իրավունքները</p>

69.	Ներկայացված տարբերակներից ո՞րն է սխալ: Ոչ իրավական օրենքի դեմ պայքարի երաշխիք է՝	ա/ ժողովրդաիշխանության սկզբունքը բ/ սահմանադրական և ընդհանուր դատական վերահսկողությունը գ/ իրավաստեղծ գործունեության բարդ և ձևականացված բնույթը դ/ հասարակության մեջ ուժային պետական կառույցների քաղաքական և իրավական կարգավիճակը
70.	Նշված տարբերակներից ո՞րն է սխալ.	ա) Իրավական ինստիտուտը տարբերվում է իրավունքի ճյուղից կարգավորման ծավալով: բ) Իրավունքի յուրաքանչյուր ճյուղին բնորոշ է իր կարգավորման մեթոդը: գ) Իրավական ինստիտուտը տարբերվում է իրավունքի ճյուղից համապարտադիր նշանակությամբ: դ) Իրավունքի մի ճյուղը տարբերվում է մյուսից կարգավորման առարկայով:

Չորս քաղադրիչով հարց-առաջադրանքներ

*Գտնել ճիշտ կապերն ու համապատասխանությունները աջ և ձախ սյունակներում տրված հասկացությունների, երևույթների միջև: Պատասխանները գրանցել առաջադրանքից հետո գետեղված աղյուսակում՝ համապատասխան թվի տակ նշելով ճիշտ պատասխանի տառը: Ուշադրություն. պատասխանները պետք է անցկացնել տրամադրված ձևաթղթի վրա:
Պատասխանի ներկայացման այլ տարբերակները չեն գնահատվելու:
Յուրաքանչյուր ճիշտ պատասխանը գնահատվում է մեկ միավոր, առաջադրանքի ամբողջական ճիշտ պատասխանը՝ չորս միավոր:*

71. Համապատասխանեցնել քաղաքական գիտակցության գործառույթները և քաղաքական դիրքորոշման քաղադրատարրերը:

1. Վարքագծային քաղադրատարր	ա. Գործելու պատրաստակամություն
2. Ճանաչողական գործառույթ	բ. Մարդու աշխարհայացք և քաղաքական իդեալ
3. Գնահատող գործառույթ	գ. Որոշակի հուզական վերաբերմունք քաղաքական տարբեր կողմերի և երևույթների նկատմամբ
4. Տեղեկութային քաղադրատարր	դ. Որոշակի քաղաքական գիտելիքների ձեռքբերում

1	2	3	4

72. Համապատասխանեցնել օրինակը միջազգային իրավունքի սկզբունքին

<p>1. Բոլոր պետություններն ունեն հավասար հիմնական իրավունքներ ու պարտականություններ, իսկ միջազգային համաժողովներում և կազմակերպություններում ամեն պետություն ունի մեկ ձայն: Պետություններն իրավունք ունեն ազատորեն ընտրելու և զարգացնելու իրենց քաղաքական, սոցիալական, տնտեսական և մշակութային համակարգերը:</p>	<p>ա) Ինքնիշխան հավասարության սկզբունք</p>
<p>2. Արգելվում է այլ պետությունն իրեն ենթարկելու և նրա իրավունքների իրականացումը սահմանափակելու նպատակով միջոցառումներ կիրարկումը:</p>	<p>բ) Պետությունների ներքին գործերին չմիջամտելու սկզբունք</p>
<p>3. Բոլոր ժողովուրդներն իրավունք ունեն ազատորեն որոշելու իրենց քաղաքական կարգավիճակը և իրականացնելու իրենց զարգացումը:</p>	<p>գ) Իրավահավասարություն և ժողովուրդների ինքնորոշման սկզբունք</p>
<p>4. Բոլոր պետությունները պետք է հարգեն իրենց տարածքում բնակվող բոլոր անձանց հիմնական իրավունքներն ու ազատությունները:</p>	<p>դ) Մարդու իրավունքների հարգման զկզբունքը</p>

1	2	3	4

73. Համապատասխանեցնել բովանդակությունը բարոյագիտության կանոններին, ընկալումներին և տեսություններին:

<p>1. «Յուրաքանչյուրը պետք է առաջնորդվի այնպիսի կանոններով , որոնք կարող են բերել առավելագույն բարիք բոլոր շահագրգրված անձանց»:</p>	<p>ա/ Էգոիզմի ընկալում</p>
<p>2. «Վարվիր այնպես, որ քո անձնական շահը ծառայի ուրիշների շահերին»:</p>	<p>բ/ Ի.Կանտի բարոյական պարտքի տեսություն</p>
<p>3. «Բոլորը պետք է հետամուտ լինեն իրենց շահերի իրագործմանը»:</p>	<p>գ/ Չափավոր ալտրուիզմի կանոն</p>
<p>4. «Գործիր միայն այն նորմի համաձայն, որով առաջնորդվելիս միաժամանակ կուզիր, որ այն դառնա համընդհանուր օրենք»:</p>	<p>դ/ Կանոններով առաջնորդվող բարոյական օգտապաշտություն</p>

1	2	3	4

74. Համապատասխանեցնել աշխատությունը ստեղծման տարեթվին.

1. Ս.Սպարապետի Դատաստանագիրք	ա) 1746 թ.
2. Աստրախանի հայերի դատաստանագիրք	բ) 1265 թ
3. Լեհահայոց դատաստանագիրք	գ) 1184 թ.
4. Մ.Գոշի Դատաստանագիրք	դ) 1519 թ.

1	2	3	4

75. Համապատասխանեցնել ենթաօրենսդրական ակտերը.

1. Ընդհանուր	ա/ նախարարության հրահանգ
2. Ներկազմակերպական	բ/ կառավարության որոշում
3. Գերատեսչական	գ/ ՏԻՄ-ի նորմատիվ իրավական ակտ
4. Տեղական	դ/ դպրոցի տնօրենի հրաման

1	2	3	4